

## Halumaittut imaq munarijaujukhat

*Qanuq ihuaqhihimaniaqqat halumaittut imat munaqhainingit unghahiktumut nunaliit?*

### Tuhagakhaujut

- Tukhiutaujut qaujiharniq ihuaqhihimagiangani halumaittumik imaq munaqtiunirnut hivulliu-jaulluaqtangit haffumani UKIUQTAQTUMI tununnganarmi Nunaqaqaahimajunut parnautingit.
- UKIUQTAQTUMI hivunigijaat ikajuqhimavlutik amihuujut illitruvikhangit kangiqhigiangani ihuaqtumik atuqhimajaat halumaittumik imaq munarijaujut uuktuutigijangit unalu ihivriuhimajangit ukpiqiaqtangit qaujiharningit atuqtakhait ukiuqtaqtumi unalu qulvahiktumi nunaliit.

### Qirnarivjaktut imaq unalu Qirnarikpiaqtut imaq

Atuqtaujut imaq uvanngat uaqtiqtunut aannuraanut uaqhijunut ilihimajaujut **qirnarivjaktut imaq**. Halumatqijaujut uvanngat **qirnariktuq imaq** (anaqtarnit), ilaliutauhimajut halumaittut imat uvanngat anaqtarviit, nirriviut uarvingit, unalu qallutinut akkiutingillu uarvingat. Amihuujut nunangani hilarjuarmit imaq amigainngittut, inuit atuffaaqpagaat qirnarivjaktumik imaq haffumanit anaqtarvik imaijaqtangit, imaijaqturniq, aannuraanut uaqhijut, halummaqhijut.



### Halumaittut imaq munaqhainiq

Amihuujut unghahiktut nunaliit atuinnaqhutik imarmik agjaqhijut halumaittumik imat kititiqtangit, naammagijaunngittuq akituvallaaqhunilu. Akhaluutit agjaqhijut ilagijaujuttuq anuqqim halumaittumik uvanngat ihiit angiglijuummiqhutik pujum anialaqtangit uvanngat akhaluutit pujungit.

Iluani nunaliit, qirnariktut imaq unalu halumaittut imaq uvanngat iglumiuaqtigiit nanminilingnillu akuhimajut kititiqhutik iluani anaqtarviit akhaluutirjuanganit unalu kuvviqtauhimajut anaqtarviit iluanit.

Qakugunnguraangat, anaqtarviit havaktauvagaat halumaittumik nakuujumik kihimi puqtuhijut hiaminnaqhuni nunanut, nunamiujunullu imaqarvingit, unalu nirijuktait huraanut.

UKIUQTAQTUMI ikajuqtauhimajut uvanngat Ilinniarvigjuangat Winnipeg ilihaqtut ihumaliuqhutik qanuq aktigijaat halumaittumik qanittuugumik nunaliit unghahiktumi kangiqhittiangani qanuq ihuaqtumik anaqtarviit ihuuluutaukpata haffumani anaqtarvit qurluangit kahaktaugiakhaat avatingnut unalu nirijaujuktunut anngutikhanut.

**Havaatigut hivuliqtuijut:** Rob Cooke, Ukiuqtaqtumi Qaujimaningit Kanata (POLAR), [info@polar.gc.ca](mailto:info@polar.gc.ca)



*Iqaluktuuttiap anaqtarvinga kuvvia, takukhaujut ukiumi: UKIUQTAQTUMI*



## Qirnarivjaktumik imaq munaqhainiq

Hakugikhijangit turaarviugianganit tahapkuat ajuqhautijut pivikhangit, UKIUQTAQTUMI ilittuqhiijut imaq hapummigianganit uvannat qirnarivjaktumik imaq unalu qirnarikpiaqtut imaq munaqhainirnut qaujiharningit.

Uvani 2018, ukunanngat manngit ikajuqtauvlutik uvannat UKIUQTAQTUMI, Terragon Avatiliqinirnut Qaujahaqtit Timiujut iliuvaivlutik qirnarivjaktumik imaq munaqhainirnut qaujiharniq ilihimajaujuq WETT-G uvannat Kanatamiujut Qulvahiktumi Ukiuqtaqtumi Qaujihavik (CHARS) iliharvingat Iqaluktuuttiarmi.

Una qirnarivjaktuq imaqarvingat taimaa qaritaujaliquinirnut qaujahaqhimajuq, taimaa ilahimaittumik ilaurutikhanut munarijaujukhanut-akhuuqpiaqtut pivallianingit. Nakuudjuhingit munarijaujukhat qirnarivjaktut imaq ilittuqhaivlutik uvannat munarijaujut nunamiuqatigiingnut imaq, akikhangit munarigianganit qirnariktumik imaq akikhimajuq uvannat nunamiuqatigiingnut

imaq akikhangit. Una havaakhaq takukhauvakhuni maniliurahuqatunut ikajuutaulaaqhuni atuffaarmilutik imaq uvannat qirnarivjaktumik imaq munarijaanit.



*Qirnarivjaktut imaq munarijaujut aadjigiiktuq uvannat iliuvaivlutik uvani CHARS: Terragon*

## Qirnariktuq imaq munarijaujut: Ilagijaujut alrujaqtuqhimajut Uumajuit Anaqtarniit Munarijaujut (BeAST)

Una Kanatamiujut Qaujiharvik Katimajit (NRC) pivalliahimajut anaqtarniit munarijakhaat qaujiharniq hivumuurtigijangit halummaqtirlugit qirnariktuq imaq turaaqtautinnatik anaqtarvingnut. Hamna Ilagijaujut alrujaqtuqhimajut Uumajuit Anaqtarniit Munarijaujut (BeAST) atuqpagaat kumaruit uumajuit takukhaunngittut avvautihimagiami halumaittut qurluarningit. UKIUQTAQTUMI parnautigijangit ukunanngat NRC uuktuqhimagianganit maniliurahuqatinnatik qaujiharniq uvani CHARS ilinniarningat.

Anaqtarniit ihivriurningit turaaqtauhimajut uvannat Iqaluktuuttiaq uvunga NRC ihivriuravingat uvani Quebec mi. Qaujiharniq qaujahaqtit ihivriuravingat ihivriurningit ihuaqhihimavlugillu hamna BeAST ingilrutingit, iliuvaivlutik uvani CHARS. Hamna 30 nit liitastigut BeAST ingilrutinga uvani CHARS mit ingilrahimaniaqtuq 12 nit tatqiqhiutigut.

Nanminirilluaqtangit uuktuutigijangit takukhauvluni atuqhugu BeAST tautungnaqtuq halumatqijaujuq

uvannat imaq halumaittuq kuvigiami iluanut anaqtarviit kuvvianut. Ihivriuravingat naammakpiarumi, NRC unalu UKIUQTAQTUMI havaqatiginaqtut pivallialutik iliuvaivlutik angijaaqtumik nunamiuqatigiiktuq iglut Iqaluktuuttiarmi.



*BeAST Ingilrutinga Aadjikkutaanit atauhirmik iliuvaivlutik uvani CHARS: NRC*

### Qauyimagaluaqit?

Ilaurutik mitain, uuminngaluuniit nunamiujut ihiit, nauhimajaujut haffumanngat anaqtarniit munarijaujut piliriakhat. Hamna ihiit aktuqtaulaaqtuq aturlugulu uunnakhiigianganit, uumajuit uunaqtikhangit. Aturlugit ihiit ilagijaulaaqtut maniliurahuarnirnut unalu avatikhanut hiaminnaittut qaujiharnirnut.